

東
山
國
語

東

山

山

山

四部叢刊三編

罪惟錄

附東山國語

(96982)

中華民國二十五年六月初版

每部本書實價國伍拾元

外埠酌加運費匯費

發行人

王

雲

五

印刷所

上海商務印書館

河南

書

館

發行所

上海商務印書館

及各

埠

館

中州語 遼東山筆 沈墨庵閱

吳汝琦 凌嗣葵鳳張垣

徐州吳汝琦者字奇伯幼敏慧篤於理學發明程朱之旨以選貢入京師領教願州崇禎中流寇出入潁亳間願令缺汝琦代其守兼練衛軍濬築儲備城外多設壘會賊數百騎分盜城東南猝墮壘驚潰城大鳴鼓以應之遣壯士出逐北無何賊表時中大家至丞尉恐鍵門力士民號門盈萬汝琦令開門入之而身背城嚴陣誓所練衛軍咸顯出死力賊及城令二三百人多執旗幟露南門疑賊賊走旗幟潛健卒數百人疾出西門邀其後賊後隊亂多所斬獲適都督劉良玉援至賊西去既而新令至

穎人感汝琦有所控訴不之縣而之學新令忌中之謝歸甲申
國變汝琦憤起與弟汝球汝瓚同里王泰生三人皆儒生也馳
義旅抗賊董白二將協擒偽官武懷上南都捷復與兵巡道鄭
之俊副總兵劉世昌王忠義社誓死國詔以獲賊功授歸德府
推官時睢陽鎮將許定國擁眾數萬驕蹇不奉命按臣陳潛夫
遂巡境外汝琦之任定國令中軍即寧陵迎汝琦見單轡輕裝
從容指顧懾汝琦膽氣入睢州定國來會分從卒為儀衛甚都
將士咸露刃汝琦笑曰有如將軍不見諒一老兵足矣定國盡
叱去汝琦推誠鼓以大義定國泣就盟汝琦醉臥其帳中示不
疑因勸其上疏自陳復請止私稅禁擅掠布安民通商二示與

遠近畫一定國志從之初汝琦甫受職上記閣部吏可法今定
國驚將也所部精練又當衝宜急深結之為吾用不然彼一搖
足蕭牆之患也閣部曰善及聞定國一志南向喜曰吳司理為
吾平心腹憂巡撫越其然令誅脅從恐後汝琦往白地方論賊
心民偷旦夕之生安知大義急則盡走為賊不勝誅也事乃已
會部選張欽司理歸德汝琦且歸興平伯高杰令其將王之剛
力挽汝琦閣部為特疏許定國以數萬不律之師心持兩端吳
汝琦單騎收之革心內附勤勞未酬而銓部張欽之補不知置
汝琦何地于是以原官監紀疏署知府事俄興平杰且以兵西
發汝琦調和軍民克釐行間事汝琦復上記閣部定國歸命之

後雖已加爵而救命未下前與王之剛構釁今解釋未久大兵
西指彼能無疑懼乎來札具在所云定國不敢負國家恐國家
負定國知其懷疑者深矣望師相不憚玉趾親按河南收定國
於軍前彼所深願或亟請救命盡汎地以安其心一有不虞失
策不小且中州數十寨各結兵萬餘雖名內向無所統一師相
一至鼓舞諸義選其精銳安置得宜恃為干城恢復河北實所
攸賴此機一失殆不忍言可法不能用後與平果有睢州之變
汝琦即詣興平營與之剛盟乃獲按兵而南督師始悔前記不
用大司馬張捷力薦汝琦擢監軍道僉事加一級定國遠歎北
以師廢境之剛勢不支潛邀汝琦南避汝琦毅然曰歸德係江

淮北鎗必死守以待援之剛竟遁去兵益單汝琦任城守而勸
御史凌駟速請援於督師行未數里北騎已至駟復入城汝琦
曰此數百北兵何能為等死不如夜劫敵營倖一勝或可救民
兵固守今之此數百無一人應者汝琦駟及司道蔡鳳力堵三
日府縣受間開門降三人猝被執汝琦厲聲呵之不一屈膝遂
先遇害既刑頸無滴血北帥異之為給棺殮時年五十有七長
子廷杰夫妻陸氏死殉之次燾次鶴皆諸生駟鳳亦不屈死未
幾淮南有男子病忽起舞作汝琦言吾已為此都土神里人主
祠而棲其主往迎燾鶴主祀徐州張垣為通判城將陷自縊
論曰南都志在江南視河洛如甌脫即史相國亦志保淮浦未

能經營河洛之間自汝琦赴歸德而睢鎮驚將坐擁萬人感而
南向則保歸德所以保江淮也不以此時用睢鎮顧遣仇讐入
其汛地因疑生變興平投首而睢鎮北歟矣此亦事勢可以逆
料汝琦業痛哭陳之無有應者中國存亡之幾係于歸德可存
而亡不關歸德予過歸德輒悲汝琦即駟鳳垣皆因汝琦而成
名汝琦亦人傑也哉

楚語 查東山筆 沈墨庵閱

何騰蛟

何騰蛟字雲從貴州五開衛人浙江山陰籍也天啟辛酉鄉薦崇禎初知南陽沅冠岳驪其境騰蛟訓練鄉健為二十四營禦賊多有斬獲咸惠大著九年從巡撫陳必謙敗賊於安阜論功入為武庫主事僉事懷隆治兵淮徐斬賊首王道尋程繼孔等撫軍史可法大器之騰蛟善星氣每言晉燕分恐有變輒唏吁歎息十七年擢右僉都御史巡撫湖廣迄三月而前言大駭福藩主南都急奏請以傳上瑞為長沙道章曠為監軍道各練兵一萬于湖南北以自強隱厭左良弼傲報可加兵部右侍郎總督

川湖雲貴上言樞星者職司主宰邇來紫微垣中光芒若隱若
見古云臣下不和國事危疑天市垣居臨民位乃金陵分野其
明弱主天子憂危不決伏乞陛下酌寬猛之宜妙鼓舞之術
舉朝大小臣之和衷體國以挽回天意乙酉南寧侯良玉素仰
士英又畏敵逼御史黃澍曾劾士英被逮急益薦良玉借浙中
所進太子為名部兵東下清君側以騰蛟行騰蛟不可解即密
授家丁無為賊所得而身往諭良玉良玉強持之登舟次漢陽
門騰蛟夜伺間投水順流下得漁者扶起間走長沙觀變楚人
聞其不死傳以為神已而南都敗唐主起閩中人心曰感騰蛟
布告出師略曰悲哉今日成何世界騰蛟身當重任奮不顧身

志惟一死語云死士一萬橫行天下苦寒此七尺耳即召往無
不濟復君父之大仇雪人倫之大恥昭臣子之大義此七尺又
何曾死騰蛟不敏標下死士三萬願為諸公前驅然後張將軍
壁出荅新却將軍志永曹將軍出猶義合親章貢黃將軍出

醴萍狗表吉周將軍

全出

醴滋又請號召忠貞十八鎮出與歸

李赤心高世振聯絡川蜀各師從夔峽并下荆襄既無東憂又
張西勢并力合勢勝氣在我況劉將軍承胤以寶師馬將軍進以

荆師王將軍

以岳師盧將軍鼎以武昌表吉之師表將軍

以本營之師王將軍

鳳牛

鳳衛以援剿之師董將軍纓總督標

之師張牛三署將以澧州之師水陸步騎百道並出或壓其

首或繞其背或按其脅或按其肢又齊秦豫浙之雄兵柯陳黃
麻之義旅動以百萬引領南望將一呼而百應事在今日諸君
豈有靳焉今與諸君約從騰蛟言富貴可久妻子可保執讐為
忠臣全體為孝子不從騰蛟言富貴朝露妻子停虜為叛臣為
賊子惟智者擇之况朝廷之法紀尚在太祖高皇帝大行烈皇
帝之靈爽赫然騰蛟東向方不畏強敵寧畏悍師義旗所指戮
力同心檄到無惑當是時南寧病死其子與逆謝以武昌北降
騰蛟保長沙七閱月方檄馬進忠王鳳昇兩將軍駐岳聯絡御
圍猝聞金陵之變士心震盪時閩中初造地邊勢隔所持騰蛟
一念忠槩楚南半壁係屬不去唐主以騰蛟安輯功大其爵賞

以鞏西南封定興伯以兵部尚書督師騰蛟疏請親征有云皇
上以高皇帝神孫應南陽聖運週通情正需此日事機一失
安能再來河南為天下之中荆襄居上流最要誠能力破殘謀
獨持神斷大勢既張大權在握天下全局指顧間耳夫餉不鬼
輸日靡則置兵非神運善用斯強不圖其全終隅于一我之所
往彼亦能來臣等疾首痛心誠不能以逆料也駕即延平師終
不進而成閩敗十月桂藩擁立於肇慶封騰蛟定興侯明年丁
亥北師下楚騰蛟與戰敗績時主蹕武岡騰蛟來歸武臣劉承
胤奪主權自制騰蛟苦請移蹕疏略曰臣等推原禍本其端不
一大率上下之情不通文武之氣不奮形勢算不豫嫌疑之

實不消今使武岡果有山川之險兵革之雄米粟之富粗號偏
安然未有處一隅而圖天下者 永已清桂林無恙甯楚粵之
要莫先全永俟衡常報復仍還湯沐主上一啟行而嫌疑消形
勢豫文武奮上下通矣主頗然之獨承胤借別端以撓大計騰
蛟復特 之有曰承胤所爭者不過蛙蟻小關臣與天下抗盛
衰之運承胤所爭者不過蟬蛻虛名臣與世界辨人禽之關未
幾武岡破承胤北降及偕北師戮騰蛟家屬騰蛟繼母孫妻徐
在繫徐氏聞致騰蛟書曰母近亡自妻妾命婦豈不能如王氏
之扶喉而死實疾望大兵來救麾下諸大鎮寧盡若承胤負心
者哉救與不救惟信到王氏者騰蛟小妻之曾被擄節死者也

騰蛟答書云夫為忠臣妻為節婦死亦何恨族屬無干婦女既
入網羅便是劫數所不忍言者王陵之母千古傷心趙苞之報
子哀難盡耳已而徐亦自盡城北師至主踉蹌棄桂林走南寧
騰蛟收殘卒於柳州復取桂林戊子率將軍趙即還胡一清焦
璉曹志建等復興安園全州八戰皆捷三月取之又復東安乘
勝圍永州與馬進忠扼守常德七月進忠戰麻河大捷北師格
死幾萬人詔封進忠鄂國公與都御史堵胤錫同駐常德而騰
蛟駐衡州為聲援嗣胤錫與進忠隙初胤錫所招降闖賊之姪
李赤心其十營之在夔州者并來常德以自重常德士民畏赤
心殘而進忠亦慮其軋已縱兵民數萬舉火焚壁以其家渡湖

南而胤錫與赤心亦棄城渡湖南若追者騰蛟聞之大驚湖南
豈能容此十萬眾且相抵牾者勢必內變急請於王諭進忠出
攻長沙赤心出援江西應金聲桓騰蛟單騎至湘潭督行已丑
正月赤心至湘潭受約且行而進忠先以宣威伯楊申一軍來
就約金師未至時騰蛟故部徐勇者已北降偽為明服稱叛北
還南請騰蛟觀其營猝為所劫勸降騰蛟怒大聲詈之騰蛟喻
一夕死揚宣威不得督師所在單騎入城者七月天重傷卒於
是進忠不進而衛國胡一清開國趙印選棄永州退守全州永
國曹志建亦退保嶺峽關宣國焦璉部將常起蛟亦退保平樂
赤心之師竟退還梧州王贈騰蛟中湘王謚文忠自是衡州復